

48. fundur sveitarstjórnar Fljótsdalshrepps, Végarði , 05.03 2013 kl. 13.30

Mættir til fundar: Aðalmennirnir Gunnþórunn Ingólfssdóttir, Anna Jóna Árnarsdóttir og Lárus Heiðarsson. Magnhildur Björnsdóttir 1. varamaður og Jón Þór Þorvarðarson 3. varamaður eru mætt fyrir Jóhann Þórhallsson og Þorvarð Ingimarsson sem boðuðu forföll. Skúli Björn Gunnarsson , forstöðumaður Gunnarsstofnunar er einnig mættur.

Oddviti setti fund og óskaði eftir að fá að bæta inn einu erindi sem yrði dagskrárliður 11 (f. ,aðrir dagskrárliðir færðust þá aftar. Samþykkt.

Dagskrá:

- 1. Gunnarsstofnun**
- 2. Skýrsla oddvita**
- 3. Endurskoðun aðalskipulags, náttúruverndarsvæði Gilsárdal**
- 4. Kröflulína 3, 220 kv.-beiðni um umsögn**
- 5. Almenningsamgöngur á Austurlandi**
- 6. Ósk um umsögn sveitarstjórnar vegna fyrirhugaðra jarðakaupa**
- 7. Boð til Fljótsdalshrepps um markaðssamstarf**
 - a) Tanni Travel dags. – Meet the locals
 - b) Stokkur Software ehf - Be Iceland
- 8. Læknaminjasetur**

Hugleiðingar Eyjólfssonar , læknis
- 9. Íbúaskrá Fljótsdalshrepps 01.12 2012**
- 10. Melarétt- tilboð Mannvits**
- 11. Bréf**
 - a) Fljótsdalshérað dags. 19.02
 - b) Fljótsdalshérað dags. 25.02
 - c) Jöfnunarsjóður sveitarfélaga dags. 15.02
 - d) Gróðrarstöðin Barri ehf dags. 18.02
 - e) Hjúkrunar-og sjúkradeild HSA dags. 23.01
 - f) Lára G.Oddsdóttir og Jóhanna Sigmarsdóttir sóknarprestar dags. 28.2.2013.
 - g) Ríkisendurskoðun dags. 30.01
- 12. Umhverfisstyrkir**

Andrés Einarsson, Bessastaðir
- 13. Fjárbeiðnir**

- a) Forvarnarbókin, Árni Einarsson
- b) Lionsklúbburinn Múli, Reynir E.Kjerúlf

14. Önnur mál

1. **Gunnarsstofnun.** Skúli Björn lagði fram til umræðu greinagerð yfir verkefni sem Gunnarsstofnun hefur unnið á á árinu 2012 og tengjast samningi við Fljótsdalshrepp. Má þar nefna ferðaklasa ,ferðamannakönnun, upplýsingaskilti, gönguleiðir,snjallsímaleiðsögn, ormurinn, Hengifossverkefni, árleg hátíð í Fljótsdal, umsóknir í sjóði, auk ýmiskonar ráðgjafar um menningar og ferðamál o.fl. Þá kynnti Skúli helstu niðurstöður skoðunarkönnunar við Hengifoss , sem gerð var síðast sumar og niðurstöðu talningamælis. Eftir allitarlegar umræður um verkefni , fór Skúli Björn nokkrum orðum um starfsemi Gunnarsstofnunar og rekstur og vék svo af fundi klukkan 14:30.

2. Skýrsla Oddvita

Stjórn Skógarorku sem oddviti situr í , fundaði með fulltrúum Skógræktarinnar á Egilsstöðum 19. febrúar. Til umræðu var kyndistöð á Hallormsstað, rekstur hennar og framboð á skógaefni til kurlunar, auk ýmissa annarra mála er tengjast kyndistöðinni.

Oddviti átti fund með lögmanni sveitafélagsins í Reykjavík 22. febrúar. Ákveðið var að óska eftir fundi í Forsætisráðuneytinu um miðjan mars , með þeim aðilum sem sjá um þjóðlendumál.

Sótt hefur verið um framlag úr Framkvæmdasjóð ferðamanna til skipulagningar Hengifossvæðis.

Rekstaraðilar Laugarfellsskála og forráðamenn Óbyggðasafnsins sóttu sameiginlega um framlag úr framkvæmdasjóðnum til endurgerðar kláfs yfir Jökulsá, milli Kleifar og Glúmsstaðasels. Einnig sóttu þau um framlag til merkinga og lagninga göngustíga. Fljótsdalshreppur hefur lýst yfir samþykki sveitarfélagsins vegna þessara hugmynda.

ÚÍA er gestgjafi ungmennaráðstefnu UMFÍ á Egilsstöðum 20.-22. mars. Fulltrúum Fljótsdalshrepps er boðið að vera viðstaddir kynningu þátttakenda á niðurstöðum ráðstefnunnar, Hótel Valaskjálfi kl. 13.00, 22.03.

Umhverfisstofnun vekur athygli á að drög að stöðuskýrslu fyrir vatnasvæði Íslands er til kynningar á heimasíðunni www.vatn.is undir „kynningarefni og gögn“.

Skipulagsstofnun vekur athygli á nýrri skipulagsreglugerð nr. 90/2013

Landsþing Samband íslenskra sveitarfélaga verður haldið á Grand Hótel, Reykjavík föstudaginn 15. mars , kl. 8.45- 15.55. Aðalfundur Lánasjóðs sveitarfélaga ohf er boðaður að loknu landsþingi , eða kl. 16.00 á sama stað, auglýst hefur verið eftir framboðum í stjórn Lánasjóðsins. Fulltrúar sveitarfélaga á landsþing eru kosnir í byrjun kjörtímabils, oddviti er fulltrúi sveitarfélagsins og varaoddviti til vara.

Forstöðumaður Skólaskrifstofu Austurlands og sálfræðingur SKA lýsa yfir áhyggjum af óvissu um áframhald geðlæknis- og sálfræðiþjónustu fyrir börn á FSA.

Framkvæmdastjóri HAUST og starfsmenn vilja gjarnan funda með forsvarsmönnum sveitarfélaga og nefndum s.s. bygginganefndum.

Sveitarfélög eru hvött til að taka þátt í Liðsstyrk, sameiginlegu átaksverkefni sveitarfélaga, ríkis, atvinnurekenda og stéttarfélaga.

LV hefur sent skýrsluna LV-2013-014, Göngur merktra laxfiska í Lagarfljóti árin 2010-2012, lokaskýrsla.

Umferðarstofa minnir á að huga þurfi að gróðri við vegi og gatnamót, með tilliti til umferðaröryggis.

Að undanfögnu hafa sveitarfélögum verið send ýmis frumvörp til umsagna, s.s. frumvarp til laga um búfjárhald, frumvarp til laga um velferð dýra o.fl. Umsagnafrestur sem gefinn er, er í flestum tilvikum of skammur til að hægt sé að nýta umsagnarréttinn og er ámælisvert hversu oft mál eru send of seint út til umsagna.

Gögn sem borist hafa og liggja frammi til kynningar á fundinum. Samgönguáætlun 2011-2022

3. Endurskoðun aðalskipulags, náttúruverndarsvæði Gilsárdal.

Sveitarstjórn samþykkir eftirfarandi:

Í ljósi athugasemda og ábendinga sem borist hafa við afmörkun náttúruverndarsvæðis á Gilsárdal, frá landeigendum við aðalskipulagsgerð Fljótsdalshrepps og aftur nú við endurskoðun aðalskipulagsins, mun sveitarstjórn fyrir hönd Fljótsdalshrepps óska eftir við Umhverfis- og auðlindaráðherra að afmörkun náttúruverndarsvæðisins verði breytt og svæðið afmarkað eins það var þegar svæðið var fyrst sett á Náttúruminjaskrá, en afmörkun á korti er breytt 1986. Texti helst óbreyttur. Frá þeim tíma er afmörkun var breytt hefur Sveitarstjórn Fljótsdalshrepps ítrekað komið athugasemdum á framfæri varðandi stærð náttúruminjasvæðisins. Oddvita er falið að undirbúa erindi til ráðherra og að kynna Fljótsdalshéraði og Skógrækt ríkisins málið.

Texti í náttúruminjaskrá er svo hljóðandi : NM 618 Ranaskógur og Gilsárgil

Gilsáreyri, Gilsárgil og Gilsárdalur ásamt Ranaskógi austan Vallholts og Tófuaxlar, stórbrotið gljúfur og vöxtulegur skógur.

Aflað hefur verið upplýsinga um tilurð svæðisins á Náttúruminjaskrá á árinu 1972. Þá er aðeins ysti hluti Gilsárdals, með glúfri, Ranaskógur og Gilsáreyri afmarkað á korti, með tilheyranda texta. Á árinu 1986 er afmörkun breytt þannig að allur Gilsárdalur inn á Hornbrynju er felldur inn á kort í Náttúruminjaskrá. Texta er ekki breytt til samsvörunar og engin gögn sem sýna að samráð hafi veri haft við landeigendur eða

viðkomandi sveitarfélög. Ekki er ólíklegt að um mistök hafi verið að ræða við kortagerðina 1986, enda hafa ekki hafa verið færð fram nein rök fyrir stækkuninni og ekkert hefur fundist um umfjöllun náttúruverndarnefnda sem styður breytinguna.

4. Kröflulína 3, 220 kv.-beiðni um umsögn

Sveitarstjórn samþykkir eftirfarandi umsögn:

Vísað er til fyrri athugasemda Fljótsdalshrepps um óæskileg sjónræn áhrif loftlínu fyrirhugaðrar Kröflulínu 1 í Fljótsdal og Landsnet áfram hvatt til að leita annarra leiða en lagningar loftlínu niður Valþjófsstaðafjall.

Í tillögu að matslýsingu eru ekki tilteknar neinar mótvægisáðgerðir vegna sjónrænna áhrifa. Sveitarstjórn telur nauðsynlegt að Landsnet láti gera skýra tillögu að útfærslu lagningar línunnar fram af og niður Valþjófsstaðafjalli og tengingu hennar við Fljótsdalsstöð. Slík tillaga verði þannig úr garði gerð að hægt sé að gera sér grein fyrir sjónrænum áhrifum á landslag og sýni sem skýrast umfang og landnotkun línunnar á þeirri leið sem og frágang hennar og tengingu við Fljótsdalsstöð.

Sveitarstjórn fer fram á að Landsnet kynni sveitarstjórn og íbúum Fljótsdalshrepps á almennum fundi tillögu að matslýsingu Kröflulínu 3 og á þeim fundi verði sérstaklega dregin fram lega og fyrirkomulag línunnar í Fljótsdalshreppi.

Ekki er svo að sjá í tillögunni sem send hefur verið til umsagna, að komið hafi verið til móts við ábendingu Skipulagsstofnunar um að sýna jarða-og þjóðlendumörk á línuleiðinni.

Hvað varðar skipulagsmál fyrirhugaðrar línu í Fljótsdalshreppi hefur áður verið bent á að Aðalskipulag Fljótsdalshrepps 2002-2014 er í endurskoðun . Gert er ráð fyrir að nýtt aðalskipulag taki gildi á á árinu 2014.

Deiliskipulag mannvirkja Kárahnjúkavirkjunar tekur ekki að öllu leyti tillit til fyrirhugaðra Kröflulínu 3 og telur sveitarstjórn líklegt að gera þurfi á því breytingu.

Almennt séð telur sveitarstjórn Fljótsdalshrepps að tillagan mætti gera betri grein fyrir umfangi við lagningu fyrirhugaðrar línu, sérstaklega hvað varðar landnotkun, umfang slóðagerðar og frágang. Nauðsynlegt er að þegar frummatsskýrsla kemur fram innihaldi hún meiri upplýsingar um þá þætti en lýst er í tillögu að matslýsingu.

5. Almenningsamgöngur á Austurlandi

Almenningsamgöngur á Austurlandi hafa verið stofnaðar, fengið logo og heitið Strætisvagnar Austurlands og. Gjaldskrá hefur verið gerð. Gögnin kynnt.

6. Ósk um umsögn sveitarstjórnar vegna fyrirhugaðra jarðakaupa

Sveinn Ingimarsson, Sturluflöt , óskar umsagnar sveitarstjórnar Fljótsdalshrepps samkv. 36. gr. jarðalaga nr. 81/2004, vegna áætlana hans um að kaupa ábúðarjörð sína.

Sveitarstjórn samþykkir að veita eftirfarandi umsögn:

Sveinn hefur haft ábúð á Sturluflöt frá árinu 2000 og haft lögheimili þar frá þeim tíma er ábúð hófst. Hefðbundinn búskapur er ekki á jörðinni, en hún er nytjuð og stunduð skógrækt. Ábúandi rekur verktakastarfsemi. Hvað ástand mannvirkja varðar eru hús komin til ára sinna og þarfnast t.d. íbúðarhús viðhalds. Útihúsum hefur verið breytt þannig að þau henti betur starfsemi ábúanda. Sveitarstjórn mælir með að Sveinn fái ábúðarjörð sína keypta og ekki eru athugasemdir við hvernig jörðin er setin.

7. Boð til Fljótsdalshrepps um markaðssamstarf

- c) Tanni Travel dags. – Meet the locals. Afbakkað að þessu sinni.
- d) Stokkur Software ehf - Be Iceland. Afbakkað að þessu sinni.

8. Læknaminjasetur

Hugleiðingar Eyjólfssonar, læknis um lækningaminjasetur í Fljótsdal. Lagt fram til umræðu og kynningar.

9. Íbúaskrá Fljótsdalshrepps 01.12 2012

Samkvæmt íbúaskrá eru 80 íbúar í Fljótsdalshreppi. Ekki eru gerðar athugasemdir við íbúaskrána.

10. Melarétt- tilboð Mannvits

Mannvit leggur fram 2 tilboð í uppmælingu, ástandskoðun og magntöku á Melarétt. Bæði tilboðin eru umfram fjárheimildir í fjárhagsáætlun ársins. Oddvita falið að kanna aðra möguleika eða lækun tilboða.

11. Bréf

- a) Fljótsdalshérað dags. 19.02. Leitað er eftir formlegri afstöðu aðildarsveitarfélaga að Héraðsskjalasafninu og Minjasafninu, vegna hugmynda um færa rekstur stofnananna undir sameiginlegan forstöðumann.
Sveitarstjórn Fljótsdalshrepps er ekki andvíg að þetta verði skoðað, en telur að slíkar breytingar verði ekki gerðar fyrr en að undangenginni athugun á núverandi starfsemi safnanna og markmiðssetningu varðandi fyrirhugaðar breytingar. Tryggja þarf að athugun verði gerð á faglegan hátt með skýrum markmiðum og þarfagreiningu. Minnt er á að söfnin hafa lögbundnum skyldum að gegna við íbúa og aðildarsveitarfélög.
- b) Fljótsdalshérað dags. 25.02. Varðar byggingarleyfi fyrir skálabyggingu í Fjallaskarði. Kynnt
- c) Jöfnunarsjóður sveitarfélaga dags. 15.02. Varðar breytingu á lögum jöfnunarsjóðs. Kynnt.
- d) Gróðrarstöðin Barri ehf dags. 18.02. Markmið söfnunar á hlutafé náðist og hefur skráðum hluthöfum verið sent bréf þess efnis. Kynnt.
- e) Hjúkrunar-og sjúkradeild HSA dags. 23.01. Vegna innanhúsbreytinga hjá HSA Egilsstöðum, er fyrirsjáanlegt að flytja þarf starfsemi sem nú er í líkhúsi og kapellu innan árs. Kynnt.
- f) Lára G.Oddsdóttir og Jóhanna Sigmarsdóttir, sóknarprestar dags. 28.2.2013.

Boðað er til fundar í Kirkjuseli, Fellabæ klukkan 20:00 11. mars. Umræðuefnið er þjónusta vegna andláts, kistulagninga og útfara í umdæmi Heilbrigðisstofnunar Austurlands á Egilsstöðum, auk annarra málefna. Kynnt.

- g) Ríkisendurskoðun dags. 30.01. Varðar skil á ársreikningi Landbótasjóðs Fljótshrepps. Er í vinnslu. Kynnt.

12. Umhverfisstyrkir

Andrés Einarsson, Bessastaðir

Styrkumsókn rædd og talið líklegt að fyrirhuguð framkvæmd sem sótt er um umhverfisstyrk til, sé styrkhæf hjá öðrum aðila. Oddvita falið að hafa samband við umsækjendur. Afgreiðslu frestað.

13. Fjárbeiðnir

- c) Forvarnarbókin, Árni Einarsson. Hafnað.
d) Lionsklúbburinn Múli, Reynir E.Kjerúlf. Lionsklúbburinn Múli ásamt öðrum systursamtökum Lionsmanna á Austurlandi, starfrækja alþjólegar unglingsbúðir að Brúarási, dagana 11-21.7 2013 og hyggjast eyða einum degi í Fljótssdal. Samþykkt að styrkja verkefnið um 50.000 kr.

14. Önnur mál

Engin önnur mál að þessu sinni tekin til formlegrar afgreiðslu.

Fundi slitið kl. 18.20

Lárus ritaði fundargerð í tölvu.

Gunnþórunn Ingólfssdóttir (sign)

Anna Jóna Árnarsdóttir (sign)

Lárus Heiðarsson (sign)

Magnhildur Björnsdóttir (sign)

Jón Þór Þorvarðarson (sign)